



MINISTERIO DI
**ENSEÑANS, SIENSIA,
KULTURA I DEPORTE**



PREMIO DI UNESCO CURAÇAO PA IDIOMA MATERNO PAPIAMENTU

**Foyeto informativo relashoná ku
kriterionan general pa premia trabou
meritorio riba tereno di idioma**



unesco

Curaçao
National Commission



SELEKSHON DI KANDIDATO I PRESENTASHON DI NOMINADO

E nominashonnan mester ta presentá na Ministerio di Enseñansa, Siensia, Kultura i Deporte di Kòrsou pa mas tardá dia 9 di yanüari 2026. E premio pa 2026 ta kubri trabou produsí di aña 2025. Un institushon, organisashon, grupo o persona mester ta nominá pa tersera persona o pa hurado.

E aktividat mester a tuma lugá durante di aña 2025.

Kuerpo di hurado por disidí ku no ta skohe ningun situashon, ni organisashon, ni grupo, ni persona, si miembronan di hurado ta konsiderá ku ningun di esakinan a demostrá mérito sobresaliente ku ta kontribuí positivo na desaroyo di

papiamentu.

Presentashon di nominashon

Presentashon di nominado mester ta kompañá pa un rekomendashon ku ta kubri no mas ku sinku (5) página stèndert i ta inkluí:

A. deskripsjon di e aktividat realisá (p.e.: ophetivo i durashon di e programa, grupo di enfoke etcetera);

B. relato di resultado alkansá (evaluashon kuantitativo i kualitativo di resultado di e proyekto);

C. evaluashon di e aktividat realisá basá riba e kriterionan mensioná ariba.

ENTREGA MATERIAL

Tur material ku nominado(nan) entregá ta bira propiedat di Ministerio di Enseñansa, Siensia, Kultura i Deporte. Mester manda nòmber, formulario i material di e nominado pa:

Ministerio di Enseñansa, Siensia, Kultura i Deporte

Na atenshon di: Sekshon UNESCO-sekretariado

Marva Browne

Kompleho di APC

Kòrsou

Por yena e formulario digital: <https://forms.gle/beTCLsh2gjBD8QyU8> o scan e QR-code i inskribí e nominado.



SCAN ME

Nòmber ofishal di e premio:

PREMIO DI UNESCO CURAÇÃO PA IDIOMA MATERNO

PROPÓSITO

Minister di Enseñansa i Kultura (e tempu ei) a instituí e premio aki riba e promé Dia Internashonal di Idioma Materno. UNESCO a instalá e proyekto dia 21 di febrüari 2000 i a otorgá e premio pa promé biaha na aña 2003).

Propósito di e dia aki ta pa konsientisá tur hende tokante balor di idioma, komo un herensia ku humanidat ta kompartí i importansia di e diversidat di idioma. Na Kòrsou e premio aki ta forma parti di un sèt di medida di Gobièrnu pa realisá tur esfuersonan pa

stimulá idioma materno di mayoria di e poblashon di Kòrsou. Propósito ta pa premia e institushon, organisashon, grupo o persona den nos komunitat ku a demostrá mérito sobresaliente i logra resultado efektivu ku ta kontribuí na desaroyo di nos idioma papiamentu.

Otorgamentu di e Premio aki tin tambe komo meta pa garantisá i mantené simpatia di públiko riba tereno di idioma.

**Tur aña ta
anunsiá
nòmber di e
ganadonan
di e
premio riba
dia
Internashonal
di
Idioma
Materno**

Eskoho di e ganadó:

Un hurado di tres persona ta skohe institushon, organisashon, grupo o persona na kua o na ken ta otorgá e premio.

ELIGIBILIDAT

E premio ta pa institushon, organisashon, grupo o persona ku demostrá mérito ku a sobr'e salí i logra resultado efektivu den aktividatnan ku tin di aber ku desaroyo di idioma papiamentu. ***Den aña 2025, e institushon, organisashon, grupo o persona a realisá aktividat(nan) ku ta promové nos idioma materno. E siguiente kriterionan ta forma un totalidat pa evaluá i skohe e ganadó(nan).***

1. Kriterio pa otorgá premio ta:

- a. dunamentu di lès den idioma papiamentu i/o praktiká uso di idioma papiamentu di tal forma ku e por sirbi komo instrukshon pa bon uso di nos idioma;
- b. organisá programa ku tin di aber ku idioma;
- c. ta aktivo den desaroyo di papiamentu di tal forma, ku ta haña apresio i sosten di públiko;
- d. produsí material pa duna lès òf medio spesial di programa pa duna lès;
- e. realisá investigashon riba terenonan relashoná ku desaroyo di papiamentu;
- f. ofresé hóbennan e posibilidat di partisipá den aktividatnan di idioma;
- g. realisá aktividat edukativo formal i informal di karakter sosial, kultural o ekonómiko, manera programa di radio i televishon, teknologia di informashon i komunikashon, publikashon i prensa etc.. ;
- h. produkshon di tur sorto di obra ku ta kai bou di e nominashon di literatura.

2. Tambe ta konsiderá e siguiente puntonan komo kriterio:

- a. durashon di e aktividat mester ta suficiente pa permití evaluashon di e resultado i prueba di e éksito optené;
- b. kontribushon na e ophetivonan básiko di e sistema di enseñansa aktual di pais;
- c. kontribushon na desaroyo lokal i nashonal;
- d. balor agregá di e aktividat mester sirbi komo ehèmpel pa stimulá mas aktividat similar ;
- e. impakto di e aktividat realisá ku proyekshon, pa mobilisá rekursu inovativo pa programa di idioma;
- f. kontribushon na konosementu di historia i kultura di Kòrsou;
- g. kontribushon na apresio pa tantu otro kultura i kompreshon internashonal;
- h. mediante literatura skibí (produkshon di Literatura balioso);
- i. presentashon di algu inovativo/kreativo ku tin di aber ku idioma papiamentu.

